



HEinricus Gandavi in Germania natus literarum amore in Lutetiam profectus est. Ibi ingenij foelicitate fretus adeo in optimis literis profecit, ut in diuinis scripturis inter omnes Doctores sui temporis eruditissimus iudicatus fuerit. in Aristotelica philosophia erat subtilissimus, & in disputationibus scholasticis acutissimus, id quod preclara eius opuscula testantur. Vnde tantę authoritatis & opinionis in Gymnasio Parisiorũ extitit, ut Doctor solennis per uniuersum Christianum orbẽ uocatus fuerit. In patriam postea reuersus Tornacensis Archidiaconus creatus est. Scripsit inter alia Sũmam Theologiæ, præterea libros quatuor super

sententias: item in physica & Metaphysica Aristotelis, cum ipso Quodlibeta. Tandem sub Adolpho Cæsare moritur, anno millesimo ducentesimo nonagesimo tertio, in festo Apostolorum Petri & Pauli, atq; Tornaci in Ecclesia S. Mariæ sepultus quiescit. Trit,